

دینی ، علمی ، ادبی واجتماعی

سنه

ه

# مخفل

۱۳۳۸

جلد

ه

مجموعۃ اسلامیت

شیمدیلک عربی آیلری ابتداسنده نشر اولونور .

صارف ، مدیری ، محرری :

ربیع الاول

۱۳۴۳



جزء

۵۳

شرائط تحرير: اسلامك نفعنه خادم يازيلر مع الت شكر قبول ونشر اولونور . يازانك شخصيتي دكل ، يازينك ماهيتي نظردقته آلينير . كونده ريله جك آثار او قوناقل و مختصرجه يازيلش اولماليدر . كلن يازيلردن شايان قبول كورولنلر تاريخ صيراسيله درج ايديلير .

شرائط اشترا : هر سنه نك برنجي وا يكنجي آلتى آيلغندن اعتباراً آبونه قيد اولونور . سنه لكي پوسته اجرتيله برابر : ۱۰۰ ، آلتى آيلغنى : ۵۰ غروشدر . ممالك اجنيه ايجين ۲۰ و ۱۰ غروش علاوه سى لازمدر .

# مخفل

۱۳۳۸

مجموعه سنك چكن سنه لره عائد و بك چوق معلومات مفيدى جاوى اولان نسخهلرى منتظماً ديكيلىش و اوزره لرلرته قالين بررقايلاق كچيريله رك مجلد كتاب حالته كتيريلشدر . خيرالانيس اولاييله جك بونفيس كتابلردن برنجينسك موجودى يتمش ، ۷-۱۲ نجى نسخهلرى پراكنده اولارق قالشدر . بهر نسخه سى ۱۰ غروشدر . ۲۰۳ و ۴۰۲ نجى جلدلر ك بدلى ده پوسته اجرتيله برابر يوزر غروشدر . طوغرودن طوغرويه اداره خانه يه ۲۰۰ غروش كونده ريلديكى صورتده هراوج جلدى يوللانير .

نسخه سى ۱۰ غروشدر .

## محفل تاریخی :

### مرکز افندی حضر تلزی

مابعد

مؤلف خطیر شیخ یوسف افندی مرحوم حضرت مرکز احوال و مناقب سائر مسندین و صورت ارتحالندن بحث ایتدکن صکره بوجه آتی بیاناتی آتمام ایدیور : ( خلفاسی بش یوزدن متجاوزدر . روایت اولنور که حالا دیار هنده خلیفه سی واردر . صاحب جمعیتدر . ممالک عثمانیه خود آثار پر انواریلہ مالا مالدر . خصوصاً ولد اسعدلری شیخ احمد مرکزی، جذبہ الہیہ صاحبی مؤثر الکلام ، مقبول خواص و عوام ، عالم و فاضل حامل و کامل بر وجود ایدی که مرحوم جمیع خلقه « اوغلم احمد بندن چوق یکدر . » دیو شہادت ایدردی . نیچہ عدد ممدوح تألیف و تصنیفی قالب لغت قاموسی ترکی به ترجمہ ایدوب سکسان جزؤ بر عظیم کتاب اولمشدر . جمیع علما وجودینہ راغبلا اولوب کاتب لوطی و توب نسخہ سن آلمانہ طالب لردر . کندیلردن صکره چوق معمر اولمایوب انتقال ایتمشلدر . [۱] بو داعی حقیر، مرحوم مرکز افندی به ایریشوب نیچہ درس لر تعالیم بیوردقلرندن صکره الحمد لله تفسیر شریفدن سورہ کوثری تبرکاً و تیناً قرائت ایتدیرمشلدر . کوثر که خیر کثیرہ اطلاق اولنور . امیددر که دنیا و عقباده خیرات کثیرہ ایلہ بهره مندک میسر اوله ، آمین یارب العالمین .) شیخ یوسف افندی مرحومک اثر مبرورندن نقل ایتدیکمز سطور بوراده ختام بولدی . بزده شو نقطه یی خاتمہ کلام اولوق اوزره قید ایدم که کتاب و سنت احکامدن غافل ، ضال و مضل اشراقیمیدر ، آفاقیمیدر غیر معلوم ، مشکوک الاعتقاد [۱] حضرت مرکز تربہ شریفه سی داخلندہ اولوب اصحابی معلوم اولمایان مراقددن برینک مشارالیه شیخ احمد افندی حضر تلزینہ عائد بولندینی ملحوظدر .

و مجهول الاحوال اولانلر اساساً مسلمانلق تعریفنه داخل اوله میه جقلرندن جامعہ طریقه البتہ ادخال اولنه مازلر . طریقتک معناسی تصفیہ ذات وصفات اولنجه حیاتی هوای نفس وادیلرنده ظلمت عمیقہ ایچنده کچیرنلر بومباحثدن کلیاً خارجدر . بز کتاب و سنتک جارس و خادمی بولنان معرفت حقیقہ و طریق حق و هدايت اصحابی تدقیق ایدیورز ، ضلالت و ارتداد اربابی دکل .

الحاصل عرفان و ایمان کامل اصحابی حق و حقیقت مسلکندہ تعارض و تبایندن منزہ و متعالیدرلر . دلیل مدعایم ، شیخ سنبل و ابن کمال ، شیخ مرکز و ابوالسعود افندیلر حضر ایتدر . باشقه دلائل و شواهد حاجت یوقدر صانیورز . والسلام علی من اتبع الهدی .

سعود المولوی



### حسی بر تاریخ مقاله سنه لاجقه :

سعود المولوی بک افندی برادر مرکز حضرت سنبل و جناب ابن کمال حقندہ یازدقلری مقاله لطیفه ( اللمظات ) [۱] نام اثرده مطالعہ ایلدیکم بر فقره یی خاطر لاتدی : بر ذات، ابن کمال حضر تلرندن غریب برایش ایچون استقنا ایدر . مشارالیه تتبعاتده بولنور . کریزگاه شرعی بوله مدیغندن تأخیر جواب ایتک ایسترسده تضییقه معروض قالدیغندن موقع اضطرارده ایکن بر کون تجدد وضوء سوکنده فتح مسئلہ وقوعه کنجه مسروریتندن اوج دفعه سماع ایدر . چونکه ابن کمال ، علامہ جهان اولمغله استیلین فتوا یه کریزگاه بوله مامسی کندیسنه پک اغیر کلش ، شهرت علمیه سنی نقیصه دار ایدم جکنه ذاهب اولمش

[۱] بوائزک مؤلفی ۱۰۶۴ سنه سنده ارتحال ایدن شیخ

محمود حلوی افندیدر . وفاده عاطف بک کتبخانه سنده مقیددر . مهم و معتبر بر اثردر .